



# Ma Botou Koat



Em bugaleach, pa oan,  
 'M oa eur botou koat,  
 Laket d'in gant ma mam  
 Ma botou koat ;  
 Hirio zalc'han bpred,  
 Klik, klak, ma botou koat  
 P'he deus ma mam d'in laret,  
 Delc'ker ma botou koat !

Pa oan uheloc'h savet,  
 Ma botou koat  
 D'ar skol ez on bet kaset  
 Ma botou koat  
 Bet oun bet gourdrouzet,  
 Klik, klak, ma botou koat,  
 Gant ar mestr-skol gallek,  
 Balamour d'am botou koat...

P'oa ma studi achuet,  
 Ma botou koat,  
 Oan eat da zivall an derved,  
 Ma botou koat  
 Dreuz ar gorb hag al lann  
 Klik, klak, ma botou koat  
 Me valse ken skanv  
 Gant ma botou koat

Potr yaouank en em gavet,  
 Ma botou koat,  
 Er pardonieu ez oun bet  
 Ma botou koat  
 Deus zon skiltr ar biniou  
 Klik, klak, ma botou koat,  
 Loc'h em fust ma zalonou  
 Em zreid ma botou koat !

Sevel 'ren tam ha tammig,  
 Ma botou koat,  
 Oa deuet poent klask eur vregig  
 Ma botou koat,  
 Unan am eus kavet  
 Klik, klak, ma botou koat  
 Hon daou evrus meurbed,  
 Gant hon boteier koat

Er park gant ma daou ejen,  
 Ma botou koat,  
 Me a are ar blenen,  
 Ma botou koat,  
 Ma dorn ed a hade,  
 Klik, klak, ma botou koat  
 Eost druz a ziwane  
 'N roudou ma botou koat.

Ma bro Vreiz a difennan  
 Ma botou koat  
 Abalamour ma talc'han  
 Ma botou koat,  
 Rak hon zadou karet,  
 Klik, klak, ma botou koat  
 O deus ato meulet,  
 Bpred ar botou koat !

Mes eun devez a deuiñ,  
 Ma botou koat  
 Ha neuze ma a yelo  
 Ma botou koat  
 Buhan en ber amzer  
 Klik, klak, ma botou koat,  
 Da gaout Per ar porcher  
 Em zreid ma botou koat.

Mar tigoue d'ezan laret,  
 Ma botou koat,  
 Er Baradoz n'ez er ket  
 Gant botou koat ;  
 Me laro kenavo  
 Klik, klak, ma botou koat,  
 N' in biken d'an Nenvo,  
 Nan, hep ma botou koat !

YAN AR C'HAROFF.



## YANNIK AR POTR-FARO



Me eo Yannig, ar paotr faro (bis)  
 Me eo kaera potr yaouank vale ebars ar vro !

### DISKAN

Rou, rou, rou lon vin, rou, rou, rou lon lon vin,  
 rou li, rou li, re te

Balamour da ze ar merc'hed a zo o klask lampât ganen  
 Balamour oun eur potrig koant hag eur potrig laouen

Mes o welet an hoil draou-ze, e teuas em fenn eun dervez  
 C'hoantât donet da zimezi ha da glask eur vaouez

Pa oa groet ganen-me ma sonj ha me mont eus ma zi,  
 A betek ti ma mestrez da c'houlouen anezi

Pa oan 'n em gavet 'barz en ti, neuze e ris ma c'hompliman,  
 Raktal oa galvet dirakon, Janedig, ma holl c'hoant.

Mes hi dustu, he deus laret, penaoz n'am c'hemerje ket,  
 Balamour ren re a ardou ha re oan potr ar bed...

D'ar ger me a zo ét mezek, oh ! ya dre vord ar venojen,  
 Sonjal oa eur zac'had moged ganen-me war ma c'hein.

Breman em eus hanterkant vla, oh ! me gred tapin ma c'hant  
 Goude m'am ije c'houec'h ugent, renkin chom gant ma  
 [c'hoant.]

Yan ar C'HAROFF.

Moulez, A. LAJAT, Montroulez

Air de "Ma Botou-Koal"  
 (d'après la chanson "War kont am. Maoned")

The musical score is written on two staves. The first staff begins with a treble clef, a key signature of one sharp (F#), and a 2/4 time signature. The melody consists of eighth and sixteenth notes. The second staff continues the melody with similar rhythmic patterns. The lyrics are written below the notes.

Em Bigaleach, pa oan, 'M sa em botou koal, lakel d'in gant ma mamm, Ma botou-koal. Hirio zalc'han bepred

Klik, klok, ma botou koal, P'he deus ma mam d'in lark del'her ma botou koal.

*[Faint, mirrored text from the reverse side of the page, likely bleed-through from another page.]*

POTR-FARO YANNIK AR

*[Faint, mirrored text from the reverse side of the page, likely bleed-through from another page.]*

